



Page: 6

Reach: 50000

Country: BOSNIA AND HERZEGOVINA

Size: 282 cm2

Vježba s članovima agencija koje osiguravaju Ambasadu SAD

# Elitni američki marinci obučavaju bh. specijalce

Bila je to dobra prilika da razmijenimo iskustva, kazao komandant marinaca Dreksler

U sklopu sedmodnevne obuke jučer je održana pokazna vježba u bivšoj kasarni "Slaviša Vajner Čiča" u Istočnom Novom Sarajevu, u kojoj su učestvovali pripadnici elitne jedinice američkih marinaca FAST, specijalne jedinice SIPA-e, jedinice Direkcije za koordinaciju policijskih tijela i specijalne jedinice MUP-a KS "Alfa 1".

## Vanredne situacije

Američki marinci došli su u BiH da dodatno obuču naše specijalce kako bi bili spremni reagirati u svim vanrednim situacijama. U obuci su učestvovali oko 100 specijalaca i jedan vod marinaca, a za potrebe pokazne vježbe objekt kasarne prilagođen je ratnim uvjetima. Insceniran je ulazak u objekt u kojem se nalaze teroristi.

Kako je kazao ataše za sigurnost Ambasade SAD u Sarajevu Kevin Marfi (Murphy), cilj je bio dodatno obučiti pripadnike tri agencije koje osiguravaju zgradu Ambasade.



Pokazna vježba američkih marinaca i bh. specijalaca

(Foto: I. Šebalj)

- Ovo nije bilo samo iskustvo za njih nego i za naše marince - kazao je Marfi.

## Brzi odgovor

Adam Dreksler (Drexler), kapetan jedinica američkih marinaca FAST, istakao je da je ovo bila izvanredna prilika da njegovi speci-

janci razmijene iskustva i usavrše taktike.

- Zadatak naše jedinice jeste brzi odgovor na opasnost bilo gdje u svijetu. Slične vježbe imali smo nedavno i u Bukureštu u Rumuniji. Ovdje smo tokom sedam dana radili na usavršavanju taktika, vježbanju u streljani... -

kazao je Dreksler.

Načelnik Odjeljenja za osiguranje objekata u Direkciji za koordinaciju policijskih tijela Iвица Bošnjak istakao je da je rad s američkim marincima bio veliko iskustvo za sve agencije te da se moglo mnogo toga naučiti. **K. KESMER**

Ataše za sigurnost Marfi istakao je da obuka nema nikakve veze s nedavnim događajima u BiH te da su je počeli planirati još prije četiri mjeseca